



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Stephani Balvzii Miscellaneorum Liber ... Hoc est,  
Collectio Veterum monumentorum, quæ hactenus  
latuerant in varijs codicibus ac bibliothecis**

**Baluze, Etienne**

**Parisiis, 1679**

Ejusdem epistola ad Ludovicum VIII. Francorum Regem.

**urn:nbn:de:hbz:466:1-14735**

bus ejus dictus prædecessor noster noscitur confirmasse, ad ejus exemplar tibi ac heredibus tuis auctoritate apostolica confirmamus & præsentis scripti patrocinio communimus. Quod verò de aliis concedendis & dimittendis eidem patri tuo ordinavit in Concilio generali, circa te ac heredes tuos habere decernimus robur perpetuæ firmitatis. Nulli ergo omnino hominum liceat hanc paginam nostræ confirmationis infringere vel ei ausu temerario contraire. Si quis autem hoc attentare præsumpserit, indignationem omnipotentis Dei & beatorum Petri & Pauli Apostolorum ejus se noverit incursum. Datum Laterani tertio Nonas Junij, pontificatus nostri anno quarto.

EIVSDEM EPISTOLA  
ad Ludovicum VIII. Francorum Regem.

**H**onorius Episcopus servus servorum Dei carississimo in Christo filio Ludovico illustri Regi Franciæ salutem & apostolicam benedictionem. Ann. 1225.  
Cum Reges & Principes Christiani propter Ecclesiam matrem suam, ex qua specialiter nati sunt, & quam à Christo, ut eam temporibus suis foveant, susceperere fovendam, Deo teneantur reddere rationem, grave nimis debes gerere ac indignum quòd intra terminos regni tui, videlicet in partibus Albigenis, hæretici manifestè ac intrepidè impugnant Ecclesiam, fidem Christianam evacuant, & dilacerant ipsum Christum. Certè Nabuchodonosor Rex decrevit, dicens: *Quicumque locutus fuerit blasphemiam in Deum Sidrach, Misach, & Abdenago, in interitu erunt, & domus eorum in dispersione.* Dan. 3.  
Si ergo taliter fuit Rex alienigena, ne de-

Deuter. 13.

beret Deus Israel blasphemari, commotus, tu Regum Christianissime, devotissimorum Principum successor & heres, cum quo devotio Christiana convaluit, evacuari fidem nostram, lacerari Christum, & Ecclesiam dissipari à talibus patieris? Denique si potestates seculi & rectores raptōres persequuntur & fures, tu, qui regni solium obtines, terram tuam hæreticis, qui animas pretiosiores cunctis substantiis furantur & rapiunt, non purgabis? Sanè præceptum à Domino legitur: *Si audieris in una ex civitatibus quas Dominus Deus tuus dabit tibi inhabitare illic dicentes, Eamus; & serviamus deo alienis quos non nostis, pones illos in ore gladii & igne civitatem incendes.* Nimirum etsi pro immensis in hoc seculo beneficijs Deo, à quo est omne datum optimum & omne donum perfectum, tenearis in multis, ad hoc tamen illi reputare te debes fortiùs obligatum ut pro ipso in fidei subversores, à quibus blasphematur, animosus insurgas, & pro catholica puritate, quam de partibus illis attendentes dæmoniorum doctrinis eiecisse noscuntur, viriliter te opponas. Porrò non absque dolore cordis & gravi mentis amaritudine recolere possumus quòd cum ad stirpandum inde pestem hæreticam multis sit personarum & rerum dispendijs laboratum, penè omnia in confusionem antiquam, populi Christiani peccatis exigentibus, sunt reducta, & ille qui felicibus invidet actibus, sic armavit in Antichristi præambulos partes suas ut diffundentibus illis intrepidè ac latiùs pravi dogmatis sui virus, verendum est plurimùm ne ipsorum veneno regnum tuum in fide ac devotione præ aliis radicatum, cui Dominus benedixit, inficiant, & ex hoc contra totam Ecclesiam, tamquam in principalem partem concussam, nova persecutio exciteretur. Multò ergo desiderio expectantes ut per te catholicorum

Ricorum Principum successorem impijs eorum co-  
 natibus celeriter obvietur, ne illud modicum terræ,  
 quod adhuc tenent Catholici, amittatur, & pestis  
 hujusmodi regnum Franciæ maculet, cui jam aper-  
 tè suos extendendo laqueos appropinquat, celsi-  
 tudinem regiam monemus, rogamus, & obsecra-  
 mus in Domino quatenus zelo, ut decet, fidei &  
 devotionis accensus, oblatis Deo tuæ coronationis  
 primitiis, causam hujusmodi, quæ Christi est, tibi,  
 per quem post Deum posse feliciter agi æstimatur,  
 assumes, pro certo sciturus quòd super hoc licet  
 multùm Romana Ecclesia laboraverit, non solum  
 spirituale, sed temporale auxilium in personis &  
 rebus quod potuit impendendo, nihilominus tamen  
 parati sumus adhuc & laborem assumere & consi-  
 lium & auxilium impertiri. Cùm autem hoc nego-  
 tium summæ pietatis se ingerat, & ex eo videatur  
 agi etiam causa tua, quòd pestis ipsa loca jam tibi  
 vicina venenat, citò, carissime fili, Christo & Ec-  
 clesiæ potenter & patenter, prout Dominus tibi  
 posse tribuit, in hac parte succurras. Nam potesta-  
 tem propterea suscepisti ut per te persecutores Ec-  
 clesiæ temporaliter, quod ipsa non potest facere,  
 conterantur. Et quidem si, prout confidimus, Chri-  
 sti & fidei orthodoxæ opprobria in te cadunt, ut  
 zelum, sicut potes, habeas tantam injuriam vindi-  
 candi, quod quippe Regis honori expedit, ne de-  
 fectui tuo tantam fidei subversionem contingeret  
 imputari, speramus in eo qui pueri propositum  
 provehit, & consilium dissipat peccatorum, quòd  
 negotium in manu tua prosperabitur, & magnitu-  
 do tuæ devotionis & fidei contritis hæreticis cla-  
 rius elucescat. Ceterùm cùm, sicut intelleximus,  
 nobilis vir Amalricus Comes Tolosanus quicquid  
 juris habet in terra tibi sit offerre paratus, in domi-  
 nio tuo illud accipias, à te ac heredibus tuis liberè

deinceps & quietè jure perpetuo possidendum. Ad hoc pro certo noveris quòd Raymundum quondam Tolosanum Comitem & filium ejus cum eorum fautoribus dudum excommunicavimus, nec ad emendationem, licèt benignè admoniti, revertuntur, sed contumaciter in sua malitia perseverant. Venerabiles verò fratres nostros Archiepiscopum Bituricensem, & Lingonensem & Sylvanectensem Episcopos, qui de tuo regno existunt, & tibi favorabiles credimus & devotos, & tui non dubitamus honoris existere zelatores, specialiter propter hoc ad tuam duximus præsentiam destinandos; quibus solita benignitate susceptis, oblatam tibi per eos, quibus in virtute obedientiæ hujusmodi onus injunximus, nostram & Ecclesiæ petitionem tam necessariam affectuosè ac efficaciter studeas exaudire. Datum Laterani xix. Kalendas Januarij, pontificatus nostri anno octavo.

*EPISTOLA CVIVSDAM  
historica de victorijs Regis Davidis in  
oriente.*

Circà annum  
1110.

**V**erborum abundantiam transmittit affectio. Garrula enim res amor est, & teste Salomone loquelam suggerit amor quam negat ingenium. Cùm igitur desiderij peregrinationis finis & expectationis meæ complementum sit terræ sanctæ de liberatio & paganorum confusio, ea quæ tam à Christianis quàm quæ non solùm à minoribus immo etiam à majoribus Sarracenis & Magistro Templi audiui referre, præsentì pagina vobis significo, & propter multò certius quia adversæ partis testimonium manifestæ veritatis est argumentum, &